

Naaknigewin,
Ndakenjgewin, miinwaa
Dbaabiishkwojgewin

Naaagdewenjgewin miinwaa
Dbaamjigewin

Kinoomaagewin miinwaa
nsastamwin

Maamwi nkweshkdaading

Wenaamjigaazwag
Maanaajiganawaabmjigaazjig

**/ Kina naasaap wii zhi
maawndongaadeg bemaadzijig bii
jibaawaat**

Wii mshkawaagnigen miinwaa kinaa naasaab wii
zhi maanwnjichgaadeg, miinwaa wii dbaaknigaadek
kina gaa maawndongaadeg wii niindawding gimaa
gamgoong.

**/ Wii ndakenjgaadeg waazhi
bsikaagemgak naaknigewin**

Wii giizhiitaang, miinwaa wiii bmigaadeg
maanaajiganawaamdiwin, ezhi gnawaamjigaazwat
bemaadzijig ezhnaagziwat, enaazwat, miinwaa
debwetmowaat, gezhi bsikaagwat gimaa
naaknigewin.

**/ Naaknigewin wii ngaasjigaadek
maanaajiganawaamdiwin**

Wii naadmagaazat gimaa wii ngaasjigaadeg
maanaajiganawaamjigewin wii maajijigaadeg
naaknigewin kitchi gimaa gamgoong wii
mshkawaknigaadeg naaknigewin age
naadmaagemgak wii bmibdetwang naakiigamig,
nikaazang naaknigewin wii maandwangaadeg
ezhwebak maanaajiganawaamjigen miinwaa
ezhi bsikaagamgak manda naaknigewin.
Maanda naaknigewin danaadmaagemgat wii
maajizhkaajgaadeg shki naakiwin wii ngaasjigaadek
maanaajiganawaamdiwin, wii gshkitwon wii
dbaabiishkwajgad g naaknigewin. Bemadzijig wii
wiindmaagaazwaad ezhwebak miinwaa bemaadzijig
wiinkwezhkwindwa niibna bboon naaknigwein
nikaazan.

**/ Wii wiindmaagaazwaat bemaadzijig
ezhi maajiishkaan.**

Wii waaabndeweng ezhi maajiishkaamgak
maanda Woshme Mino Zhaang Niigan
miinwaa maadhookiwaad gaa gkenjgaadeg ani
nakiichgaadeg naaknigewin.

**/ Wenaabmigaazwat waa
Kinoomaagaazjig miinwaa
nsastamwonjig**

Wii kinoohmaagozwat bemaadzijig ezhi
maanaajiganawaamjigaazwaat aanin bemaadzijik,
memdagegwa mekdewzhejig, anishnabek,
zhoodaaninwak, bkaan kitchitwaa mzinigan
enaagdojig, miinwaa maanaajiganawaamjigaazwat
bakaan ezhignawaamjigaazjik, dibishkoo goonaa
Sikhs.

Miinwaa bekish enkiitaajgaadek, okinagwa
dankweshkaagaazoog waadoogdaadjig wii
nsaschigaadeg enji zhewebag miinwaa enji
maanaanendaagwak maanda agsigazwaat bkaan
kiychitwaa mzinigan gnaagdojig, wii azhichgaadeg
kinomaagewin eskoonwijig ge anikaazwat, miinwaa
wii odanegaadeg dbaajmoowin endodaagazjig
gwandaa bemaadzijig.

**/ Kitchi Gimaa da maanjiwan
bamaadzijin waanakiitmajig
maanaajiganawaamdiwin**

Wii nakiitang wii nkweshkdaadwat bemaadzijig
waajinakiindjig, naagaanzijig, negdendmajig
maanaajiganawaamjigaazwin wii naakiitmoowat
wazhi nakiimgak naaknigewin.

**/ Maanjidiwin wii dbaachigaadek
maanaajiganawaamdiwin**

Da nkweshdaadwag endakenjgejig, waaji
nakiindjik, gekendaasjig, miinwaa naaknigewin
eshtwojig wii maadhookiivat gekendmowaat, wii
dbaabiishkwadmowaad, maanaajiganawaabmdowin
naaknigewin ezhinakiimgak.

Aabdeg gwa wii maamwi gnawaabmdjigaade
maanaajiganawaabmodowin. Gawiiingwa
kina gwaya naasaap da zhi bsikaagsiin
maanaajiganawaabmodowin. Aabdeg dash gwa wii
gnawaabmdjigaade enji kitchi bkaanendaagziwat
aanin bamaadzijig.

**/ Naaknigewin dah zhichgaade
wii gnawaamjigaadeg ezhi
maanaajiganawaabmjigaazwaat mekdewzhejig**

Da gnawaabmdjigaade
maanaajiganawaabmjigaazwaat mekdewzhejig,
memdage gwa binoojiinhig ezhi naagde-
enmigazwaat, kinoohmaagewin minwaa
mnadenjgewin, maamwi nikaazan gimaa gamig
maajiishkaajganan, miinwaa wii dbaamjigaadek
endgwen jinakiimgak. Bemadzijig dash
dawiindmaagaazwag ezhwebag.

**/ Naaknigewin dah zhichgaade wii
gnawaamjigadeg**

Pane ezhi maanaajiganawaabmjigaazjig
anishinaabek, wii waamdawet kichi gimaa
mshkwowendang wii mnaadenmaat anishnaaben.

**/ Enkiitaagejig gimaa gamigwan
Ontario, yekwaayhing
maanaajiganawaabmijigaazwin**

Wooshme wiinsastomwoondwaa enkiitaagejig
wii nsadendmowaat maanaajigawnawaamdiwin
miinwaa wii zhichgaadeg miinwaa
maajiishkaachgaadeg waa nikaasan wii
miigaajgaadek maanaajiganawaamdowin maampii
OPS



A BETTER WAY FORWARD: ONTARIO NSA BBOON NAAKNIGEWIN,
wii gnawaamjigaade maanaajiganawaamdiwin gimaa maaknigewnan,
naaknigewnan miinwa bembidetwawaad, kinaa gwa mnaadendmowat bemaadzinjin
wii mnamaajiishkaanit miinwaa wii mna wiiijiwenid maampii gidkaamig.

Maanaajiganawaamdjigaazwag mekdewzhejig, Anishinabek, bkaan
gitchitwa mznigan nyaagdwajig, miinwaa bekaanenjgaazjig. Baatiinat
maanaajiganawaamdjigewin nakiimgamgan, miinaa zhewenjgegamgan,
epenmandman wii naadmaagemgak. Ensa giizhgak gnakweshkaanaa
maanaajigwanawaamdjigewin. Aapjigwa waasa shkweaang mgishnwak engaasjik.
Gaawiin maanda nishisnwo. Aabdeg gwa wiindazhichgem wii naachigaadeg ezhi
naagdawenjgewin miinwaa wii bmigaadeg gebaahshkaagemgak naasaab kina
bemadzijig wii azhi gnawabmigaazwaat Wii zhibiigaade dash naaknigewin kina
naasaap bemaadzijig wii zhi gnawaabmjigaazwaat, miinwaa wii mnaadenjgaazwaat.
Kinaa bemaadzijig da

Nsaboon naaknigewin
wiinikaazam maampii
Ontario

MNA ZHAAN NIIGAAN : ONTARIO NSA BBOON NAAKNIGEWIN
egimaakdang maanda naaknigewin daniigaanwidwan maanaajiganawaabmiding. Washme gegwa wii
ndakendman, maampii zhaan:

ontario.ca/antiracism

A BETTER WAY
FORWARD



PHOTOGRAPHY HASNAIN DATTU

[Ontario.ca/antiracism](https://ontario.ca/antiracism)